

DE  
ORGANIS VOCIS ET LOQUELAE  
PSITTACI ERITHACI.

DISSERTATIO INAUGURALIS ZOOTOMICO-PHYSIOLOGICA,  
TABULIS TRIBUS PICTIS ILLUSTRATA,

QUAM  
CONSLNSU ET AUCTORITATE AMPLISSIMI MEDICORUM ORDINIS  
UNIVERSITATIS CAESARIAE LITTERARUM DORPATENSIS,

PRO GRADU

DOCTORIS MEDICINAE

LOCO CONSUETO PUBLICE DEFINDET

A U C T O R

S T E P H A N U S K U T O R G A,  
PETROPOLITANUS.



DORPATI LIVONORVM,  
TYPIS J. C. SCHÜRMANNI, TYPOGRAPHI ACADEMICI, MDCCCLXII.

VIRO

ILLUSTRISSIMO ATQUE EXCELLENTISSIMO

CONSTANTINO MATTHIADI BOROSDIN;

AUGUSTISSIMO AC POTENTISSIMO

R U S S O R U M I M P E R A T O R I

A CONSILIIS STATUS ACTUALIBUS,

ORDINIS stae ANNAE PRIMAE, sti YOLODIMIRI SECUNDAE ET STANISLAVI  
PRIMAE CLASSIS EQUITI,

UNIVERSITATIS CAESAREAE PETROPOLITANAЕ CURATORI

I m p r i m a t u r

hacce dissertatione ea conditione, ut simulac typis excusa fuerit, quinque exemplaria  
collegio ad libros examinaudos constituto tradantur.

Dorpat, d. 21. Maii 1832.

Dr. Sahmen,  
Decanus.

HANC COMMENTATIONEM

SUMMAE VENERATIONIS ET GRATISSIMI ANIMI TESTIM

ESSE VOLUIT

AUCTOR

P R O O E M I U M .

Si totum animalium ordinem perlastramus, nostri organismi imaginem quamquam imperfectam in iis et non absolutam, ideoque plus minusve simplicem animadvertisimus. Quorum simpliciorum organismorum observatione occasionem nobis idoneam offert, naturam nostram somaticam, qua cum et animi facultates arcte cohaerent, accuratius perscrutandi. — Vere Buffonius, vir clarissimus: „*visi animalia essent*, ait, *natura hominis explicatus difficilior esset.*“ Et profecto, Anatomia et Physiologia, maximi in Medicina momenti disciplinae, ex eo tantum tempore vigore cooperant, quo naturae curiosi, animalium variorum corporibus dissectis, observationes et pericula instituerunt. — Ita et vocis humanae ratio, a variis scriptoribus physiologicis vario explicata, ex illo denum tempore, quo uberriorem organi vocis in diversis animalibus anatomicam cognitionem sibi comparaverant, magis innotuit. *Galenus* inter praecepua auxilia, quibus vox acuta vel gravis redditur, ligamenta thyreo-arytaenoidea refert. — *Fabrichius ab Aquapendente*, quem tracheam in diversis tonorum modificationibus longiorem breviorremque fieri observaret, organum vocis cum tibia comparavit. *Perraultius* explicationi Galenianae plus etiam lucis asserre conatus est. *Dodartus* comparationem cum tibia omnino repudiavit, animadvertisens laryngem ad tonos acutos producendos in altna tolli, tracheamque longiorem fieri; tibiae vero longitudinem hunc in finem necessario breviores reddi. *Euleri* sonorum theoria ansam *Ferreinio* ad nova experimenta instituenda praebuit. Ostendit ille minima non superiora sed potius inferiora ligamen-

ta thyreo-arytaenoidea praecipua esse vocis instrumenta; quam ob causam ea *chordas vocales* nominavit, totumque organum vocis cum instrumentis musicis chorda praeditis comparavit, quod vero omnino falsum esse jam multi recentiores Physiologi demonstrarunt.

Anatomie hujus organi comparativa in diversis animalium classibus a scriptoribus: *Felice Vicq d'Azyrio* (1), *Francisco Davide Herissanto* (2), *Blochio* (3), *Georgio Cuviero* (4), *Herremio* (5), *Meckelio* (6), aliisque instituta, theoriam vocis humanae multo clariore luce collustravit. — Quorum operibus atque studio res, de qua agimus, ex parte tantummodo explanata est, multis relictis, quae in tenebris jacent. — Ut ipse pro viribus ad illustrandam rem quantum licet, conferat, in hac dissertatione, lector benevolè, observationes meas anatomico-physiologicas de vocis et loquacis *Psittaci erithaci* L. organis exponere studebit. *Psittacus* enim iam a veteribus pro sermocinante habitus est. — Aristoteles nimurum: "Ολος δι τα γαμψώνυχα ινικτ, πάρτα βραχυτεράκηλα και πλατύγλωστα και μικρικά και γαρ το Ινδικός ὄγρεον, η φιττάκη, το λεγόμενον ανθρωπόγλωστον, τον οὗτον εστί" (7). Unde patet, cum loquacis causam in lingua psittaci crassa et plana posuisse. Aelianus pari modo mentionem ejus fecit, nulla vero causa

- 1) Mémoire sur le voix, etc. In Mém. dell'Acad. de Sc. de Paris 1779. pag. 173 — 206. Mémoire pour servir à l'Anatomie des oiseaux. Ibid. 1773. p. 581. In Mém. dell'Acad. de Sc. de Paris 1755 pag. 279.
- 2) Recherches sur les organes de la voix des Quadr. et de celles des oiseaux. In Mém. dell'Acad. de Sc. de Paris 1782 pag. 372.
- 3) Ornithologische Rapsodien. — In Schriften der berlinschen Gesellschaft der naturforschenden Freunde 1782. Berlin T. 3. pag. 372.
- 4) Sur les organes de la voix des oiseaux. — In Société philomatique, Année 1795. pag. 115.  
Vorlesungen über vergleichende Anatomie. — Uebers. von Meckel. Leipzig 1810 4ter Theil.
- 5) Ueber die Luftwerkzeuge der Vögel. — Leipziger Magazin 1733. p. 201.
- 6) System aer. vergl. Anatomie. Halle 1829, 4ter Theil, Seite 398.
- 7) Περὶ ζῶν θεοτόκος. — Liber VIII. cap. 14. Edit. Schneideri. T. 1. pag. 346.

in medium prolata: Τὸν ἐρ φύλαις τε καὶ μόνοντις ἀγνῶνται οὐδεῖς διαλέληθεν, αλλὰ τομέν χειλιδόνας, καὶ πίτταν λάλον, etc. ἀλκυόνας τε ἐπὶ τόντοις καὶ φιττακόν (8).

Στεῖται δὲ ίνδαι οὐδεῖς φιττακὸν etc. Καὶ ἐπιλίγουσι δρῦν τὸντραπόνον τίκτων, μόνον γὰρ τὸν φιττακὸν ἀνθρώπου στόμα λυστομάταν ἀποκριπτεῖσθαι (9). Nec non Plinius in Historia: „Super omnia humanas voces redditum Psittaci, etiam sermocinantes“ (10).

Scriptores veteres, quarum notiones zootomicae admodum exiguae erant, silentio prætereamus; dolendum vero et recentiorum vix mentionem me facere posse, quam minusquam evanescit organorum vocis et loquacis psittaci explicatio reperiatur (11). Interim rem magni esse credo momenti, nam ex discriminē vocis et loquacis organorum hominis et psittaci illorum indoles melius enucleari potest. — Primo quidem apud animalium constitutam, haec psittaci organa cum organis vocis aliarum avium comparare, quod magnam utilitatem præbere posset: quum vero temporis angustis pressus eram, in eo conquiescere placuit, ut eos scriptorum locos, in quibus hac de re agitur, laudarem.

8) Περὶ ζῶν θεοτόκος, Lib. VI. cap. XIX.

9) Περὶ ζῶν θεοτόκος, Lib. XIII. cap. XVIII.

10) C. Plinii Historia naturalis. Lib. X. cap. I.VIII. Edit. Harduin. Tomus II. pag. 567.

11) Olingerus Jacobaeus, Anatome Psittaci, in Act. Hafniens. 1673. pag. 514.

## ORGANUM VOCIS (I).

Ad singularium partium hujus organi officia melius cognoscenda, primo modo, quo sonus oriatur propagetur et immutetur in instrumentis, quae inflari solent musicis loquaciorum.

Aeris inflatio in cavam fistulam non sufficit ad sonum producendum, qui potius corpus aliquod in fistula inclusum a flatu hominis vibretur ac vibrationem cum aere in fistula communicet, requirit.

Ita in fistulis organi pneumatici aer intrusus incidit in laminam aeream elasticam eique vibrationem communicat, qua sonus in fistula efficitur.

i) *Fabričius ab Aquapendente*. De larynge vocis instrumento, in opere suo: Libelli de visione, voce et auditu. Venet. 1600. Operum, quae Bohmo edita sunt. pag. 268.

*Jul. Casserius*. De vocis andibusque organis. Tetractiae 1600. Fol. cum tabulis.

*Ul. Adrowandus* vocis Anat's organa descriptis in libro, qui Ornithologia dicitur, Tomo III. pag. 190. Bononiae 1603 in folio, cum tabulis.

*Fabričius ab Hildene*. In opere suo: Von der Jarchterlichkeit, Nutz und Nothwendigkeit der Anatomie. — Berolini 1624. pag. 221, nonnulla de larynge avium inferiore referunt.

*Ol. Jacobaeus*, I. I.

G. I. *Du Verney* in libro: Observation sur l'endroit où se forme la voix du Coq. In Mém. dell'Acad. de Sc. de Paris 1666—1699. T. 2. pag. 7.

Peter Lul. *Maria Malvet et Jacob, Savai*, avium laryngem aquatilium descripserunt in opere: Ut ceteris animalibus ita homini sua vox peculiaris. Parisiis 1755. 4.

*Vitq-d'Azyrius*. I. I.

*Blochius*. I. I.

In tibiis decumanis et similibus instrumentis aer magna vi inter duas laminas penetrat, quarum acuta labia, parieti instrumenti affixa, aereum commovent.

In tubis vero et cornibus inflantis labia munere funguntur corpusculorum vibrantium. Quae, prout extenduntur aut contrahuntur, sonum acutiorum aut graviorem reddunt.

Fistula ipsa per se nullum efficit sonum, sed intedit, definit ac temperat eum, quem produxerat vibratio sonori corporis in columna aeris fistulam repleta.

Certae longitudinis fistula certum tantum numerum sonorum propagare potest, nemirum tales, quales in harmonia sunt cum sono principali.

Ut autem fistula certae longitudinis alios quoque sonos proferre possit, in longitudinem foraminibus, quae justis intervallis disposita sunt, instructa est, quae dum clauduntur aut aperiuntur, fistulae longitudinem immutare videntur.

Major seu minor materici densitas, ex qua fistula facta est, majorem seu minorem soni vim atque claritatem praebet.

*Jos. Ballantus et Cajetanus Ultinus*. De quorundam animalium organo vocis. In Comment. Instituti Bonon. T. 6. pag. 50—58.

*Joannis Lathamus* in libro: Essay on the tracheae or windpipes of various Kinds of birds. — In Transact. of the Linean Society, Vol. 4, Nro. 8. pag. 90. 1798. 4. — Ex quo opere excerpta in Wiedemann's libro: Archiv für Zoologie und Zootomie. B. L. St. 2. pag. 282. in germanicam linguam sunt translata.

Attamen in hac scientiarum provincia duo præceteris excelluerunt vihi, quorum alter ingeniosissimus *Cuvierius* commentationem de avium larynge inferiore in: Magazin Encyclopédique par Millin. — T. 2. pag. 531. — Germanice in: Reil's Archiv für die Physiologie. B. 5. pag. 67.

Alter vero germanus *Alex. Humboldtius*, qui quum de aliis rebus, tum etiam de: Ueber das Zungenbein und den Kehlkopf der Vögel, der Affen und des Krokodil's, in itinerario suo, quod inscribitur: Humboldt's und Bonpland's Reise; Beobachtungen aus der Zoologie und vergleichenden Anatomie. Lief. I. pag. 1. Tübingen 1806. fol. — disseruit.

Forma fistulae magnam etiam vim exercet in naturam sonorum (timbre). Ita instrumenta, quae instari solent et cylindrica fistula praedita sunt, eosdem puros sonos edunt, quos tibia edit. Alia autem, quorum fistula par tem inferiore versus sensim dilatata est, sicuti cornu venaticum, cornu simplex, clarinetta et alia sonos vibrantes producent.

Larynx  
superior.

Quibus praemissis, transeamus nunc ad considerandum organum vocis psittaci, quod ex his constat partibus: larynge superiore (T. I. fig. 1 c), trachea (B), larynge inferiore (A) et cavis faucium orisque.

*Larynx psittaci superior* multas peculiares partes scrutanti offert, quae a nemine, nisi fallor, hucusque descriptae sunt.

Fundum ejus firmum format *ossiculum cordiforme* — (T. II. fig. 1. a, a), cuius pars anterior quasi cartilagini thyroideae hominis, posterior autem ericoideae respondet. — Tale ossiculum, ni fallor, psittacis tantum est proprium; ceterae enim aves praeditae sunt ossiculo plus minusve late (1), thyroideae cartilagini hominis persimili; pone illud autem duo ossicula in semicirculum disposita, quasi ericoideae cartilaginis vestigia, reperiuntur.

Ex parte posteriore juxta sinum ossiculi cordiformis communicat cum eo *ossiculum disciforme* (b) mobile, cum hoc vero *corpora arytaenoidea*, quorum pars posterior ossea est (c), et quorum marginibus interioribus se-

1) Alex. Humboldtius 1. l. nominat lingua germanica: *Soekel*, alia vero os: *kleine Knochen*.

Jul. Casserius id nomine *processus chrycoideus* designat.

Apud Borrichianum dicitur *os scutiforme*.

Perraultius de hac re disserens, *le larynx eloit*, lingua gallica dixit, composé d'un cricoïde, et d'un arytenoïde.

Ballantus 1. l. dicit: *Larynx iisdem confinatur cartilaginibus, quibus humanus.*

micirculiformibus glottis superior efficitur. (2). — Corpora arytaenoidea parte anteriore cum cordiformi ossiculo conjuncta sunt membrana pellucida (T. II. fig. 5. e, e, e, e, e), quae analogon est lig. ericoarytaenoidei hominis.

Par triangularium musculorum (per analogiam *thyreoarytaenoidei* appellari possunt) (T. III. fig. 4. a, a), qui interiori arytaenoid. cartilaginum margini ac ossiculo cordiformi adnexi sunt, quem comprimitur dilatant glottidem superiorem, quo sit ut corpora arytaenoidea non solum removentur a se invicem, sed etiam margo interior eorum fiat magis concava, rimæ autem rotundior (3).

*Epiglottidem*, quae dicitur, sicuti aliae aves, habent etiam psittaci nullam: ejus vice autem fungitur organum iis tantum proprium (T. I. fig. 1 h. b.), quod ad superiorem baseos linguae partem jacet et in duas partes divisum est. Constat illud textu celuloso condensato, qui adipe plenus et pariter atque linguae antica pars, nigra cute indutus est. Nullos in eo musculos animadvertere potui; quare motum ejus passivum esse censco, ita ut eo tantum tempore glottidem superiorem tegat, quo lingua deglutitionis actu retro moveatur (4).

2) Fabr. ab Aquapendente, 1. l. „Præterea, inquit, rimula terrestrium partim cartilagineosa, partim musculosa membranosaque est, ac levis; pennatorum vero cartilaginea tota et aspera.“

3) Idem 1. l. „Moveatur niraque arytaenois ad suum articulum exterius interiusque. Exterior motus rimam aperit, atque hic maxime conspicuus est et magius, longissimè articulo, scilicet ad extremitates arytaenoidis supernas ambas diducens cuspides: interior vero motus rimam claudit. Hi, iam dicti motus, sunt muscularorum beneficio,“ etc.

Eriam Olig. Jacobaeus, describit 1. l. laryngis superioris musculos psittaci.

4) Ballantus: „Pica viva ita dissecta, ut larynx in conspectum veniret, pica sponie laryngis osculum modo relaxante, modo constringente, aperiissime intellecterat, villorum complexu, in constrictione illud plane occcludi.“

**Psittaci trachea** (T. I. fig. 1. B) (5) atque collum majoris sunt longitudo-  
nis quam in homine aliisque animalibus, minoris tamen, quam in ceteris  
avibus. Coniuncta est illa ope membranae latae et quae facile extendi po-  
test (T. II. fig. 4 c.), cum larynge superiore, et per totum collum in oeso-  
phagi parte antica ad pectoris cayum descendit.

Quod ad annulos tracheae attinet, sex anteriores non sunt integri et  
quidem prior vix tres lineas in longitudine habet; reliqui vero eo longi-  
ores sunt, quo longius ab hoc distant, ita ut sextus dimidiatur tracheae par-  
tenti amplectatur. Annuli sequentes 18 integri sunt, in parte antica latiores  
quam in aversa et eo angustiores, quo longius a primis distant. His deni-  
que quinquaginta sex annuli integri adjacent. Tota igitur trachea 79 an-  
nulis constat, qui satis lati sunt exiguisque intervallis dispositi; quam ob  
rem psittaci medium tenent locum inter aves canores et aquaticas; illae  
enim angustissimos annulos, longe a se viiam distantes, haec omnium latissi-  
mos annulos cum angustissimis intervallis habent.

*Larynx inferior.* **Laryngem inferiorem**, quae bronchialis etiam dicitur, vocis organi  
partem esse praecipitam in avibus primus *Duverneyus*, praescritum vero no-  
stra actate Cuvierus (6) multis experimentis probarunt. Adest illa Cui-  
viero teste in omnibus avibus, *Vulture papa* tantummodo excepto, atque tum  
in avibus canoribus tum in genere psittacorum multiplici atque varia struc-  
tura gaudens.

5) Apud Jul. Cusserium invenimus eam naturali magnitudine depictam: T.  
8. fig. 1. *Melagris Gallopavo*.

*Ul. Adrowandus* l. l. T. 3. pag. 107. *Anser segerum*.

Nonnulla de hac re *Vicq-d'Azytus*, *Blochius*, *Lathamus*, etc. l. l.  
memoriae tradiderunt.

6) Iecons d'Anat. comp. T. 4. pag. 455. Descripserunt praeter hos laryngem  
interiorum:

*Ol. Jacobaeus*, *Duverneyus*, *Herissantus*, *Vicq-d'Azytus*, *Ballant-  
tus*, *Uttinus*, *Alex. Humboldtius*, etc. — l. l.

*Hallerus* in libro: Element. Phys. corp. humani T. 3. p. 449. laryngem  
inferiorem *Anseri segerum* explanavit.

**Laryngis inferioris Psittaci erithaci**, quem ipse dissecat, structura haec  
est: septem annuli inferiores tracheae, plane ossici, concurrunt in *conus  
truncatum* (T. II. fig. 6 a), ita a lateribus compressum, ut sectio horizon-  
talis ellipsoes formam referat; cuius coni latus fundus dorsum conversus  
est. Attamen hic non aequum format aream, sed in parte anteriore ac po-  
steriore praeditus est brevi processu *subulato* (T. II. fig. 7. b, b.), in lateri-  
bus autem excavationibus selenoideis (c, c), in quibus infra sunt *ossicula  
lunata*, mobilia (fig. 6. b) in se invicem inclinata ita, ut cornicula utrius-  
que a se invicem tangantur, musculorum vero ope aliquantulum separari  
possint, pellacidaque membrana, haec omnia inter se connectens, necessa-  
rio distendatur. In selenideo spatio inter cornicula singulorum ossiculorum  
semilunarium extensa est *pellucida membrana* (d, d). Inter extremi-  
tates utriusque corniculi in singulo ossicolo semilunari trapezoidea cartilago  
invenitur (s), admodum tenuis atque elastica. Quae cartilaginea a corni-  
culis divergendo a se invicem discedunt; tribus autem aliis lateribus conju-  
guntur cum cono truncato (f), qui ex amborum bronchiorum semicirculis,  
oscam hoc in loco naturam nactis, formatus est. Inter longiora parallela  
latera utriusque trapezoidea cartilaginis in linea c, c, ubi membrana d, d,  
cum trapezoidea cartilagine conjuncta est, formatur *glottis inferior*.

Tria paria muscularum ad hanc pertinent laryngem, quorum unum par  
musculi exteriores, alterum duo musculi interiores efficiunt.

Prius par constat:

**Musculis sterno-strachealibus** (7) (T. I. fig. 1. e.), qui similes sunt

7) Apud *Blochium Sterno-tracheale*.

Apud Cuvierum l. l. T. 4 p. 466. pari modo *les muscles sternotrachéens*.

Albers in libro, qui Beitrag zur vergleich. Anat. dicitur, nominat eos  
modo *M. thyroidei externi et inferiores*, modo *laryngei externi et  
inferiores*.

Jul. Cusserius l. l. nominat eos *M. laryngis communes*. — „Ad la-  
terae arteriae asperae duo tenues musculi, paululum lati, sed tamen sensim  
pene effugientes, collocantur.“

musculis sterno-thyreoideis hominis, et punctum adnexus habent in interiore superficie externi superioris anguli ossis sterni, atque laryngem inferiorem et parietes tracheae tangentes, ad superiorem usque laryngem tendunt. Quorum muscularorum ope trachea simulque larynx inferior detrahuntur; bronchia vero nonnihil alterum ab altero removentur, quam ob causam longiora parallela latera trapez. cartilaginum proprius sibi accedere debent, quo facto laryngis rima coarctetur necesse est.

Cetera duo paria sunt:

*Musculi tracheo-bronchiales* (T. I. fig. 1. b, b), quorum fibrae dense arcteque inter se cohærentes, affixae sunt altera extremitate *superiori cono*, ubi hic cum trachea jungitur (T. III. fig. 3. b); altera vero *inferiori cono* juxta brevius parallelum latus cartilaginis trapezoideae (d). Quam contrahuntur, removent siual breviora latera parallela cartilaginum trapezoid., quam ob causam longiora latera parallela arctius coire atque ita laryngis rimam augustiorem reddere debent.

*Musculi tracheo-trapezoidei* (T. I. fig. 1. c, c), cordiformes, robusti, sub prioribus siti. Superiore augustaque extremitate affixi sunt infra priorem muscularum; inferiore autem, eademque lata, longiori lateri parallelo cartilaginis trapezoideae (T. III. fig. 3. c). Ope horum muscularum laryngis rima dilatatur.

*Bronchia.* Laryngis bronchialis cono truncato inferiori ambo adjunguntur *bronchia*, quorum utriusque pars exterior elasticis semicirculis fibrocartilagineis constat, interior vero membrana peculiaris, quam Cuvierus *membranam tympaniformem* nominat; musculus enim *tracheo-bronchialis* plus minusve tendi potest et aeris e palmonibus expulsi motu vibratur, quo valde vox mutatur.

Nic. Steno I. I. aquilae musculos his verbis describit: „Duo musculi ascendentis ad latera asperae arteriae habent extremitatem sterno; inde ascendunt utrinque anexi asperae arteriae; extremitate sua quo pertingant non observavi.“

Apud Vieq d'Azurium I. I. nominatur gallica lingua *les muscles longitudinaux*.

*Faucium et oris cavum* psittaci aliaramque avium; propterea quod *Faucium et oris cavum* et *avis* et *avis* efficiunt. *Buccae* etiam, quibus illud definitur, iis, quas in aliis inventinus avibus, sunt majores, et ad rostri basin in partes transenunt, quae rudimenta labiorum duorum *superiorum* (T. III. fig. 2. b, b), atque *inferiorum* (fig. 4. b, b) constitunt, quaeque eadem cuticula, qua lingua et totum oris cavum tegitur, vestiuntur.

Ex antecedentibus patet organum vocis in psittaco miram similitudinem habere cum instrumentis musicis pneumaticis, præcipue cum s. d. clarinetia: parti enim hujus instrumenti ori inserendae larynx respondet inferior; fistulæ vero ad extrellum versus sineni dilatatae - trachea. — Quae similitudo eo adhuc augetur, quod cartilagines trapezoideæ psittaci, non ita ut ligamenta thyreo-arytænoidea inferiora in larynge hominis tendi, sed tantum altera alteri modo approximari modo a se invicem removeri, ideoque antiores seu graviores sonos efficere possunt. — Quam ob causam integrata est psittacorum agrestium vox, ipsique edicti saepe crepitantes edunt sonos, iis persimiles, quos clarinetta mittit ab artis experie inflata.

*Superior conus truncatus* firmant præbet fulturam partibus posterioribus laryngis inferioris ac sonis vim addere videtur, quia et ipse osseus est. Itaque munere, quod sustinet, cartilaginibus thyreoidæ et cricoideæ hominis respondet, quac quasi cylindram firmum evanquamque formant, ejus in parte inferiore ligamenta thyreo-arytænoidea inveniuntur.

Itaque, quam longiora latera parallela cartilaginum trapezoidearum a se invicem removentur, sonus gravior fit; acutior autem, quam alterum alteri approximatur; sed dum sola glottis aëre afficitur, longitudo autem tracheæ rimaque laryngis superioris eadem manent, ii tantum immutantur soni, qui in harmonia sunt cum gravissimo seu principali.

Quam ab rem si gravissimum tonum hoc in casu appellavimus c, videbimus a psittaco glottide inferiore immutata produci posse tantum octavam seu o proximam octavam; quintam seu g ejusdem octavam; c porro sequen-

tis octavae; tertiam seu *s*, et quintam seu *g* hujus octavae; et adhuc superioris octavae, et sic porro. — Insimilis igitur in octavis psittacus paucos tantum, in superioribus vero plures sonos efficere potest.

Quid vero si psittaci erithaei satis difficiles cantilenas cantare docentur, quae admodum multifariae vocis mutationes requirant? — Fabrica hujus organi accuratius disquisita, id dupli ratione fieri posse videlimus. Quia in re in primis valet facultas contrahendi tracheam ope contractionis muscularum sterno-trachealium. Quia tonorum principalium ad fistulæ longitudinem inversa ratio est, psittacus, ubi tracheam ad nonam partem con traxerat inferioreaque glottide distenderat, *d* insimilae octavae aut puram primi toni secundam producere potest. Eadem tracheae longitudine servata, si modo contraxerit laryngis rimam, omnes tonos harmonicos soni efficere poterit, id est, *d* et *a* sequentis octavae; *d*, *f*, et *a* etiam superioris, et sic porro, ut de nonnullis senitonis taceam.

Jam demonstravi antea tracheam psittaci annulis latis, arete sibi appositis constare atque haud magnae esse longitudinis: ex quo sequitur eandem multum contrahi non posse, nullumque harmonicum tonum soni in prima octava effici posse: ut enim a c usque ad h vox surget trachea bis contrahi debet; quod tamen nullo pacto fieri potest.

Quod vitium corrigit superior larynx in superiori tracheae parte sita.

Ex multis experimentis constat atque mathematice probatum est fistulam inferiore extremitate apertam tonum edere octava graviorem tono, a fistula ejusdem longitudinis sed plane aperta edi solito. — Georgius Cuvier ex experimentis a se institutis probavit sonum tota octava demitti, si extremae instrumenti fistulae coecus discens ingeratur. Si autem includantur disci perforati sonum tolli aut demitti inter principalem atque insimilam octavam, prout foramen magius seu minus sit ita, ut hoc uno modo omnes istius octavae soni effici possint.

Supra videlimus, in larynge superiore rimam esse, quae dilatari coartarique potest, sed nulla nobis occurrit pars, quae intendi relaxarique, vibrare et sic sonos producere queat. — Itaque larynx superior inservit tantum extremitati tracheae vario modo aperiendae, atque sic adjuvat forma-

tionem omnium octavae sonorum, ad quam edendam larynx inferior et trachea constituta sunt.

Vocis igitur organum in psittaco ad omnes, qui fieri possunt, tonos edendos omnibus adminiculis instructum est.

Praeterea musculorum thyrohyoideorum contractione ossiculum coniforme ossi hyoideo approximari potest; quam ob causam tenuis membrana ossiculum cum trachea conjungens (T. II. fig. 4. c) tenditur, simulque tota tracheae fistula longior fit. — Tonus ergo, ceteris paribus, gravior simulque aliquantum lenior edatur necesse est.

Trachea in extremitate superiore, ut ex supra allatis apparet, insigniter dilatata est sicut clarinetta fistula. Quae forma magnam vim in voces exercet: sonus enim, qui a psittaco editur, non tam purus et mollis est, quam tibiae soni, sed potius vibrans et raucus uti soni a cornu seu clarinetta editi, eoque injucundior quo minus eductus est psittacus.

Itaque similitudo atque discrimen organi vocis in homine et psittaco summatis haec sunt:

1) Conus truncatus inferior toti tracheae hominis respondet; ambae enim partes sunt, juxta bronchiorum conjunctionem positae, ambaeque ei tantum usui inserviunt, quod singulos aeris torrentes e pulmonibus protritos per tracheae ramos in unum cogunt.

2) Cartilaginis trapezoideae manus idem est ac ligamentorum thyroarytaenoideorum inferiorum; eo tamen discrimine, quod ligamenta intendi muscularis ejusdem nominis, psittaci vero cartilagini removeri tantum approximarique possunt. Quo momento efficiuntur mirabiles atque multifariae vocis humanae modulationes.

3) Superioris coni truncati cavitas, cavitati, quae in homine cartilagibus thyroidea et ericoidea formatur, quodammodo respondet.

4) Psittaci trachea organum est, cuius vix simile quid sensu strictiori apud hominem invenies, nisi quod aliquantum ei spatium inter ligamenta thyroarytaenoidea superiora et inferiora respondet, ubi ex latere sinus laryngis possit sunt.

5) Ex analogia probabiliter conjicere possumus, ligamenta thyreothyro-  
taenoidea superiora hominis et epiglottidem eodem munere atque psittaci  
laryngem superiore fungi.

6) Vocis modificationes, quae porro in fauum orisque cavitatibus in  
psittaco sunt, multo incultiores quam in homine ese debent, quia struc-  
tura harum cavitatum in ave illa simplicior reperitur.

## ORGANUM LOQUELAE.

Organis, quibus vox larynge edita et in os produncta articulatur,  
lingua imprimis, muscularum ope omni modo mobilis, tunc vero fauces,  
nares, buccae, palatum, labia, mandibulae, adminicula psychico et auditu  
succurrentibus, adnumerantur.

*Lingua.* Lingua (1), ut tota oris cavitas molli et nigra ente vestita est (T. I.  
fig. 1. D), quae in superiori linguae radicis superficie in duas dividitur  
partes (h, h), ut organum epiglottidem hominis respondens tegat. — Infra  
et in parte anteriori nigra cutis cornea rigidaque reperitur, quae colore in  
parte anteriori et inferiore albo praedita est (fig. 2, a), in parte vero pos-  
teriori nigro (b). Linguae pars antica crassa et rotunda; superficies ejus

1) *Aristoteles*, historia anim. lib. II. cap. 2.

Olaus Borrichius, de lingua avium cum osse hyoide expensa. In Act.  
Hafn. vol. 2. Nro. 52. pag. 155. Anni 1675. — Cum tabulis.

Perraultius descripsit et pinxit linguas plurimarum avium in: Mém.  
del'Acad. des Sc. de Paris depuis 1666 — 1699. T. 3.

Jac. Theod. Kleintius, Stemmatia avium. Lips. 1759 in 4.

Jac. Christ. Schaefferus, Elementa ornithologica. — Ratisbonae. 1774 in 4.

Vol. Coiterus, tractavit de avium linguis in: Externar. et internar. prin-  
cipal. humani corporis partium tabulae. — Norimberg. 1573. in folio. p. 130.

superior fossam alveiformem referens, mollis; inferior vero, formam se-  
micylindri habens, omnino regida est. — In parte superioris glottidis pos-  
teriori magna exstat copia coniformium acutarumque papillarum, quae  
quam admodum rigidae sint, adjuvare tantum actionem cibi hauriendi pos-  
se videntur. — Cutis, qua lingua tegitur, in superficie superiori linguae  
laxe conjugitur cum partibus muscularibus ope textus cellulosi; infra vero,  
ubi cornea est, difficilime cultro anatomico removetur.

Firmum linguae fundamentum formant, os hyoideum et linguale (2).

Os hyoideum e corpore et corniculis constat (T. II. fig. 2, 3). Corpus  
ossis hyoidei formam trapezii habet, ejus in medio supra infaque dorsum  
obrotundatum observatur (T. II. fig. 2, i), produciturque parte anteriore in  
processum ossis hyoidei anticus medium, posteriore vero in processum  
o. h. styloideum (f), desinentem in cartilaginosam appendicem (g). Ante-  
riores duo corporis anguli extenduntur in duos parvos processus ossis hy-  
oidei anticos laterales (d, d). — Singula cornicula tribus partibus constant:  
anteriori longiore et ossea (k, k); media etiam ossea, sed multo breviore,  
mobilitate cum antecedente conjuncta (l, l); denique posteriore fibroso-car-  
tilaginosa (m, m).

Os linguale constat duabus prorsus separatis partibus (a, a) quarum  
utique cum anteriore medio ossis hyoidei processu articulatur. Ambae  
superne alveiformem fossam formant, quae exteriorem lingualis superficie  
formam determinat.

Musculi (3), quorum vi, et forma linguae et positio mutatur, hi sunt:

2) *Olaus Borrichius* I. l. os linguale descripsit et pinxit.

3) *Nic. Steno* in: Act. Hafn. T. 2. pag. 332. musculos linguales aquilae  
descripsit.

*Vicq-d'Azyrius* in: Mém. dell'Acad. des Sc. de Paris. Années 1772, 1773  
etc. pag. 617. plurimarum avium musculos linguales explanavit.

*Cuvierus*, Lec. d'Anat. comp. T. 3. p. 245.

*Wiedemannus*, Archiv für die Zoologie und Zootomie. B. 2. St. 2. p. 69.  
descriptionem muscularum lingualium meleagridis fecit.

1) *M. genioglossi* (4), (T. III. fig. 6. g, g) qui statim post linguae cutem detractam apparent. Ili ex interiori et posteriore maxillae inferioris parte egressi, asperae superficie inferioris ossis lingualis lineae affiguntur. Munus, quo funguntur, in eo constat quod linguam ad palatum admovent.

2) *M. mylohyoidei obliqui* (5); musculis stylohyoideis et styloglossis hominis analogi, longi sunt et angusti; e posteriori maxillae inferioris parte egressi, processu ossis hyoidei posteriori prope basim linguae alligantur. — His musculis lingua ex ore porrecta denuo retrahitur.

3) *M. conici ossis hyoidei* (6) musculus genio-hyoideis hominis similes, longi et conici. Ili ex inferiore partis mediae maxillae inferioris latera ad posteriora sunt et in parte cornuum ossis hyoidei posteriori desinunt. Horum muscularum vi lingua ex ore protruditur.

4) *Musculi hyothyroidei* (7) (T. III. fig. 6. d, d.), in sine extremi anterioris processus ossis hyoidei (T. II. fig. 3. d, d) orientes, per superficiem hujus ossis meant, atque cum lateribus cordiformis ossiculi sese conjungunt. Lingua laryngi superiori admovent, vel, si lingua fixum

4) *Mylohyoidei transversi* Tiedemannii, l. l.

*Musculus primus ossis hyoidei* Stenonis.

*Le m. genio-hyoïdien* Vicq-d'Azyrii.

*Le mylo-hyoïdien* Cuvieri.

*M. rhomboides juguli* Wiedemannii.

5) *M. mylohyoidei obliqui* Tiedemannii.

*M. septimus ossis hyoidei* Stenonis.

*Le mylo-hyoïdien* Vicq-d'Azyrii.

*Le serpi-hyoïdien* Cuvieri.

*Retrahens linguae* Wiedemannii.

6) *M. conici ossis hyoidei* Tiedemannii.

*Genio-hyoïdes* Stenonis.

*Le muscle conique de los hyoïdes* Vicq-d'Azyrii et Cuvieri.

*Protrahens linguae* Wiedemannii.

7) *Laryngo-hyoïdei* Tiedemannii.

21  
punctum est, cordiformi ossiculo protrahendo, simulque membranae, quas ossiculum hoc cum trachea conjungit, intendendae inserviunt.

5) *Musculi ceratothyroidei* (8) (T. III. fig. 7. l. l), a longo eminenti sulculo extremae corniculi partis (T. II. fig. 3. n, n) progredientes, ad initium styloidei ossis lingualis processu affiguntur. Singuli hi musculi processum attrahunt, eoque ipso linguam in oppositam partem inclinant.

6) *Musculi ceratoglossi* (9) (T. III. fig. 5. c, c), quorum uterque juxta antecedentem in anteriori corniculi parte affiguntur; infra linguam decurrit, desinuit, formam tendinis planae referens, pone punctum adnexionis musculi genioglossi in ossis lingualis sulculo. Mutua horum muscularum actione pars linguae antica inferiora versus flectitur; quam ob rem superficies convexam formam induit. Singulatim autem uterque musculus partem linguae posticam versus suam regionem inclinat.

7) *Musculi basioglossi superiores* (T. III. fig. 6. f, f). Duo breves et satis crassi musculi, quorum uterque circa latera eminentiae corporis ossis hyoidei e media fere illius ossis parte originem dicit, et tendine desinit, qui cum tendine musculi lingualis impati necit. Horum muscularum contractione pars linguae antica nonnihil in altum tolli debet.

8) *Musculi basioglossi inferiores* (10) (T. III. fig. 7. p, p) in area inferiore corporis ossis hyoidei siti sunt. — *Musculi triangulares*, qui basi sua juxta corniculorum cum corpore ossis hyoidei coarticulationem, apice vero posteriori ossis lingualis extremitati inhaerent. Eorum munus oppositum est muscularum ceratoglossorum muneri, h. c. deflexam linguam denuo in rectam positionem restituunt.

9) *Musculi linguales inferiores* (11) (T. III. fig. 7. k, k) sunt cy-

3) *M. quintus ossis hyoidei* Stenonis.

*Le cerato-hyoïdien* Cuvieri.

9) *Ceratoglossi* Cuvieri, Tiedemannii.

10) *M. tertius ossis hyoidei* Stenonis.

*Hyoglossi obliqui seu parvi* Tiedemannii.

*Les hyoglosses transverses* Cuvieri.

11) *M. hyoglossi anteriores s. recti* Tiedemannii.

lindrici. — Altera extremitate posteriori fini ossis lingualis, juxta praecedentes musculos annectuntur; ad se invicem accedentes pergit et ubi utraque ossis lingualis pars intervallum format alter juxta alterum aponeris insigitur. Actio eorum parvi esse debet momenti quum propter exigitatem eorum tum propter situm, atque eo tantum manifestari videtur, quod aponeurosin, simulque inferioris areae lingualis eutem intendunt.

10) *Musculus lingualis impar* (Tab. III. fig. 6. h.), pyro similis; posteriore parte alveiformi fossae, ab utroque dimidio ossis lingualis formatae, impositus est, pars autem anterior carnosam lingue extremitatem constituit. Constat e fibris in longitudinem dispositis arte inter se cohaerentibus, quorum mediae longiores, extremae vero breviores sunt. Qui musculus contractus, praeterea basioglossis inferioribus adjutus, formam carnosae lingualis extremitatis immutat: crassiorem enim eam, rotunditatem, brevioremque reddit, atque in altum nonnihil incurvat.

Quod vero ad musculos basioglossos et linguaem imparem attinet, eos psittaco solo proprios esse censeo; nam ex omnibus scriptoribus, qui aliarum avium anatomiam memoriae prodiderunt, eorum mentionem fecisse video neminem.

De cavo oris labiisque jam supra dixi.

---

Ex hac descriptione facile percipi potest, psittaci linguam omnibus adminiculis praeditam esse, quorum vi ad sonos articulandos positionem suam relativam atque formam mutare possit. — Cui rei maximo sunt auxilio palatum rotundatum, amplum et labiorum vestigia (T. III. fig. 1, 2).

*Vocalium formatio.* Ad litteras vocales formandas vocem diverso glottidis superioris motu, ampliatione, et coarctatione, labiorumque rictu mutandam esse inter omnes constat. Quibus auxiliis etiam psittacum praeditum esse jam e superiori-

bus patet, si labia excipias, quorum vestigia tantummodo adsunt. — Omnes igitur vocales, o et u tantum exceptis, quae labiorum vi formantur, optime a psittaco pronuntiari possunt.

Est lex communis, omnes litteras consonantes voce, aut labiis, aut <sup>Consonantibus</sup> dentibus, aut lingua, aut palato, aut gutture intercepta pronuntiari; et secundum hanc legem dividunt consonantes in: labiales, dentales, palatinas et gutturales.

Quod ad *labiales* b, m, p, f, v, attinet, psittaci eas ita fere pronuntiant ut homines *labium leporinum* habentes; habent enim vestigia solummodo labiorum posteriora (T. III. fig. 2. b, b).

*Palatinas* vero i, k, l, q, r optime pronuntiant; omnibus enim ad hanc rem adminiculis, lingua nimirum et palato, instructi sunt.

E litteris *dentalibus* tantum d atque t pronuntiant, ut quae linguae extremitate et palati ope pronuntiari possint.

*Gutturales* vero optime proferunt nimirum g et h. — E conditionibus vero, a quibus articulandorum sonorum facultas pendet, permagni momenti est imitandi facultas, adminiculum psittaci psychicum. Quam ipsi non deesse primo jam aspectu ex capitis forma, magis quam in ceteris avibus rotundata, conjiceret licet.

## T a b u l a r u m E x p l i c a t i o .

### Tab. I.

Fig. 1. Totum organum vocis et loquelas.

- A. Larynx inferior.
- a, a. Bronchia.
- b, b. Musculi tracheobronchiales.
- c, c. Musculi tracheotrapezoidei.
- d. Locus, ubi ossiculum semilunare cornua se invicem tangunt.
- B. Trachea.
- c. Musculus sternotrachealis.
- C. Larynx superior.
- f. Glottis superior.
- g. Papillae coniformes.
- D. Lingua.
- h, h. Arvae partes crassae nigraeque cutis linguam obducunt.
- i, i. Cornua ossis hyoidei.
- Idem a pagina inferiore visum.
- a. Materia albi coloris cornea finem linguæ subitus tegens.
- b. Substantia cornea nigra.
- c, c. Cuma nigra linguam obvallans.
- d, d. Nervus lingualis.
- e. Musculus sternotrachealis.
- f, f. Ossis hyoidei cornua musculis tecta.

### Tab. II.

Partes cartilagineae et osseae organi vocis et loquelas.

- Laryngis superioris skeleton.
- a, a. Ossiculum cordiforme.
  - b. Ossiculum disciforme.
  - c, c. Partes corporum arytaenoideorum osseae.
  - d, d. Partes eorum cartilagineae.

Fig. 2. Os hyoideum a parte inferiore.

- a, a. Ossis lingualis extremitates anteriores, inter quas musculus inseritur, ambas hujus ossis dimidias partes alteram alteri approximans.
- b, b. Linea aspera ubi musculi inseruntur.
- c, c. Ossis lingualis extremitates posteriores.
- d, d. Ossis hyoidei processus anteriores et laterales.
- e. Crista ossis hyoidei.
- f. Processus styloideus ossis hyoidei.
- g. Pars ejus cartilaginea.
- h. Membrana synovialis.
- i, i. Pars cornuum anterior ossea.
- k, k. Cartilaginea.
- l, l. Pars cornuum posterior ossea.
- m, m. Pars cornuum fibroso - cartilaginea.

Fig. 3. Os hyoideum a pagina superiore.

- b, b. Membrana synovialis.
- n, n. Linea aspera ubi musculi inseruntur.

- a, a.
  - c, c.
  - d, d.
  - b, b.
  - f, f.
  - g, g.
  - k, k.
  - l, l.
  - m, m.
- Idem, quod in figura praecedenti dictum erat, significant.

Fig. 4. Laryngis superioris skeleton cum tracheæ parte superiori.

- A. Tracheæ pars superior.
- a, a. Pars ossis cordiformis anterior.
- b, b. Pars ejus posterior.
- c. Membrana pellucida.
- d, e, f. Annuli tracheæ incompleti.

Fig. 5. Idem a parte posteriore et superiore.

- a, a. Os cordiforme.
- b, b. Ossiculum disciforme.
- c, c. Corporum arytaenoideorum pars ossea.
- d, d. Eorundem pars cartilaginea.
- e, e. Membrana pellucida corpora arytaenoidea cum osse cordiformi jungens.

Fig. 6. Laryngis inferioris skeleton.


- a. Conus osseus superior.
- b. Ossiculum semilunare.

- c, c, Cornua ejus.
  - d, d, Membrana semilunaris.
  - e, Cartilago trapezoidea.
  - f, Conus osseus inferior.
  - Fig. 7. Conus osseus superior separate depictus.
  - a, Corpus ejus.
  - b, b, Spinae anterior superiorque.
  - c, c, Locus ubi ossicula semilunaria inseruntur.
  - Fig. 8. Larynx inferior a parte interna, ut glottis inferior cernatur.
  - f, f, Ambo dumidia corni inferioris scissi ubi superficies eorum interna cernuntur.
  - e, e, Cartilagines trapezoideae a pagina interna.
  - g, Glottis inter has cartilagini.
  - c, c, c, Ossiculum semilunarium cornua.
  - Fig. 9. Idem magnitudine naturali.
  - Fig. 10. Ossiculum semilunare separatum.
  - c, c, Cornua ejus.
- NB. Omnes hujus Tabulae figuræ, exceptis solummodo figuris 1, 10, 7, et 9, magnitudinem duplicem preparatorum, quam in natura ipsa, offrunt.


### Tab. III.

- Organæ vocis et loquacæ partes musculares.
- Fig. 1. Pars maxillæ inferioris anterior.
- a, a, Ambae maxillæ inferioris arcus.
- b, b, Labiorum initia.
- c, Vagina maxillæ inferioris cornea.
- Fig. 2. Maxilla superior cum parte aliqua capitis.
- A. Orbita.
- a, Maxilla superior materia cornea tecta.
- b, b, Labia superiore.
- c, c, Choanæ narium.
- d, Naris dextra.
- Fig. 3. Larynx inferior.
- a, Conus osseus superior.
- b, Punctum adnexionis musculi tracheobronchialis.
- c, Musculus ejusdem nominis altera parte situs, inferne solummodo abscessus.
- d, Punctum adnexionis inferioris ejusdem musculi.
- e, Musculus tracheo-trapezoideus.
- f, Locus ubi lateribus cartilagineum intus glottis inferior efficitur.


Tab. I.



Tab. II.



Tab. III.



Adspersa Linn. Testacea

Fig. 4. Musculi, integumentis communibus superiore de pagina linguae et de larynge detractis, in conspectum prodeuntur.

A, Tracheae pars superior.

a, a, Musculus thyro arytaenoideus.

b, Larynx superior.

c, c, Musculi ceratoglossi.

d, d, —— hyothyreoides.

e, e, —— basioglossi inferiores.

f, f, —— basioglossi superiores.

g, g, —— genioglossi.

h, Linguae pars antica membrana serosa adhuc tecta.

i, i, Pars cornu ossis hyoidei fibroso - cartilaginea.

Idem a pagina inferiore.

c, c,

g, g, Significationem habent eandem ac in figura praecedenti.

h, h,

k, k, Musculi linguales inferiores.

l, l, Musculi ceratohyoidei.

m, Processus styloideus posticus ossis hyoidei vagina conditus.  
Lingua, membrana serosa detracta, musculisque cerato glossis abscissis.

a, a, Significationem eandem habent

f, f, ac in figura 4.

g, g,

n, n, Ambae ossis linguales dimidia adhuc periosteum tecta.

o, o, Tendines muscularum ceratoglossorum.

h, Musculus lingualis impar.

Idem a parte inferiore visum.

b, Musculus linguialis impar.

g, g, Musculi genioglossi.

o, o, Tendines muscularum ceratoglossorum.

n, n, Os linguale.

k, k, Musculi linguales inferiores.

p, p, —— basioglossi inferiores.

q, Crista ossis hyoidei.

l, l, Idem ac in figura 5.